



**ՆԱՅԱՍՏԱՆԻ ՆԱԼՐԱՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ  
Ո Ր Ո Շ Ո Ւ Մ**

---

**ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ**

Քաղ. Երևան

27 հոկտեմբերի 2010թ.

Նայաստանի Նանրապետության սահմանադրական դատարանի  
թիվ 1 դատական կազմը՝

Նախագահությամբ՝ Վ. Նովիաննիսյանի  
Անդամակցությամբ՝ Վ. Պողոսյանի  
Կ. Բալայանի

Ուսումնասիրելով քաղաքացի Արմեն Մուխսիկարոյանի անհապական դիմումով  
գործը քննության ընդունելու մասին հարցը,

**ՊԱՐԶԵՑ.**

Նամաձայն ՆՆ Սահմանադրության 101-րդ հոդվածի 1-ին մասի 6-րդ կետի՝  
քաղաքացի Արմեն Մուխսիկարոյանը 08.10.2010թ. դիմել է ՆՆ սահմանադրական  
դատարան՝ խնդրելով քննության առնել եւ որոշել «Նարկային ծառայության մասին» ՆՆ  
օրենքի 20-րդ հոդվածի 12-րդ կետի 5-րդ ենթակետի, 26-րդ հոդվածի 1-ին կետի 4-րդ  
ենթակետի, ինչպես նաեւ ՆՆ քաղաքացիական դատավարության օրենսգրքի 48-րդ  
հոդվածի 1-ին մասի 1-ին կետի համապարասխանությունը ՆՆ Սահմանադրությանը,  
մասնավորապես՝ վերջինիս 3, 14.1. եւ 47-րդ հոդվածների պահանջներին:

Դիմողի կարծիքով՝ ՆՆ քաղաքացիական դատավարության օրենսգրքի 48-րդ  
հոդվածի 1-ին մասի 1-ին կետը հնարավորություն է տալիս դատարանին անպետել  
ակնհայտ եւ առերևույթ ապացույցներն ու նորմերը եւ կիրառել Սահմանադրությանը  
հակասող նորմը:

Ըստ դիմողի՝ վիճարկվող նորմերը հնարավորություն են տալիս կիրառել երկակի չափանիշներ, մասնավորապես, «Նարկային ծառայության մասին» ՆՏ օրենքի 20-րդ հոդվածի 12-րդ կետի 5-րդ ենթակետը եւ 26-րդ հոդվածի 1-ին կետի 4-րդ ենթակետը հնարավորություն են տալիս աշխատանքից ազատման հարցին վերաբերել կամայականորեն՝ պայմանավորված որոշում կայացնելու լիազորություն ունեցող անձի սուբյեկտիվ մոտեցմամբ:

Դիմումի եւ դրան կից փաստաթղթերի ուսումնասիրությունը վկայում է, որ խնդրո առարկա դրույթների սահմանադրականությունը վիճարկելով՝ դիմողը բարձրացնում է դրանց կիրառման իրավաչափության հարց՝ այն քողարկելով խնդրո առարկա դրույթների հակասահմանադրականության վիճարկմամբ: Ուստի ղեկավարվելով «Սահմանադրական դատարանի մասին» ՆՏ օրենքի 32-րդ հոդվածի 1-ին կետի հիմքով եւ ՆՏ սահմանադրական դատարանի՝ 2009 թվականի մարտի 17-ի ՄԴԱՈ-21 որոշման մեջ արտահայտված իրավական դիրքորոշմամբ՝ դատական կազմը գտնում է, որ դիմումի քննությունը ենթակա է մերժման՝ որպես սահմանադրական դատարանի քննության ենթակա հարց չառաջադրող դիմում:

Ելնելով վերոգրյալից եւ ղեկավարվելով «Սահմանադրական դատարանի մասին» ՆՏ օրենքի 31-րդ հոդվածով, 32-րդ հոդվածի 6-րդ կետով, 69-րդ հոդվածի 7-րդ մասով, ՆՏ սահմանադրական դատարանի կանոնակարգի 26-րդ հոդվածով՝ ՆՏ սահմանադրական դատարանի թիվ 1 դատական կազմը

ՈՐՈՇԵՑ.

Քաղաքացի Արմեն Մուխաիկարոյանի անհատական դիմումով գործի քննությունը մերժել:

Նախագահող  
Անդամներ՝



27 հոկտեմբերի 2010 թվականի  
ՄԴԴԿՈ/1-29